



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. X. An Exemptio Regularium sit odiosa, & idèo restrigenda?

[urn:nbn:de:hbz:466:1-73031](#)

exemptio non est notoria; secus enim etiam citati ab Ordinario, non tenentur, eorum privilegiorum exemptionis exhibere; ita Navarr. c. cum contingat, de Rescript. causa 6. n. 6. Henriquez l. 7. de Indulgen. c. 25. n. 6. & complures alij, t. ex c. si duobus, 7. de Appellat. ubi dicitur: quod si quis appellavit ad Papam, & citatus a Juge suo non comparuit, nec responsalem dedit, excommunicatio contra eum lata teneat, pro contumacia, nisi Iudex sciret eum appellasse. Ubi gloss. v. nisi, ait: si notum ei erat, quod non erat de sua jurisdictione, nec tenet sententia, nec tenebatur comparere. *Quia qui scit, certiorari non debet.* Nam notoria probatione non agent. Ex hoc colliges, cum privilegium exemptionis, quo gaudent Mendicantes, sit notorium, praesertim propter longam possessionem, qua in eo privilegio, ac usum sunt, nec citatos ab Ordinario teneri comparere, id, quod sequitur ex praeced. sic Henriquez cit. a n. 7. lit. F. Sylvester V. Exemptio q. 7. & alij, praesertim, cum habeant privilegium, relatum a Tabiena, V. Exemptus, & Armilla, V. Exemptio, quod non teneantur exemptionem suam, utpote notoriem, allegare. An autem Ordinarij eos censuris ad hoc cogere possint? diximus n. 2466. Colliges 2. quod Exempti per Sedem Apostolicam a jurisdictione Ordinarij, non teneantur ad jus reverentiale ipsi Ordinario; & ideo in introitu Episcopi non teneantur ire obviam illi, & honorem, quem alij faciunt, præstare; sic Paulus de Castro in L. fin. C. de bonis Libert. apud Sanchez l. 6. Consil. moral. c. 9. d. 2. n. 36. Colliges 3. quod nullus Ordinarius, invito Prælato, & Regularibus, in Ecclesiam exemptam convocare possit processiones, celebrare Ordines, aut publicas missas, vel alia Officia Divina; nec ibi exercere iudicia; quorum omnium ratio est, quia exemptio ab ejus iurisdictione in Ordine ad ejusmodi actus ei obstat; sic Henriquez cit. c. 26. quod c. 25. n. 9. latè probat, quod Episcopus non possit visitare Regulares exemptos; sed Prælatus Regularis.

¶: (o): ¶
¶

An Exemptio Regularium sit odiosa, & ideo restringenda?

A Firmativam prosequitur Author libelli, cui titulus: *Epitome quest. selectorum de Juribus Ordinarij, & Exemptorum*; p. 1. q. 1. quatuorvis apponat alias deinde limitationes ad finem, ut non procedat 1. si exemptio *restricta* careret effectu; 2. si sit ex causa onerosa, non aliunde compensata; 3. quando vitandum restrictionem fraudet *æquitas*; 4. si exinde sequeretur absurdum: 5. respectu eximentis. Ratio ipsius est, quia talis exemptio est *odiosa* 1. quia est recessus a jure communi, & præjudicans iurisdictioni Ordinarij, quæ est valde favorabilis, & intentionem suam habet fundatam in jure communi ubique, & in omnes suæ diœcesis, per c. cum Episcops, de Offic. Ordin. & c. omnes Basiliæ, 16. q. 7. 2. quia juri communi, tanquam publicæ pacis, & tranquillitatis causâ constituto, magis favendum est, & statuta illi contraria, quod fieri potest, stricte accipienda, & ad illud redigentia, c. cum dilectus 8. de Consuet. sed tale quid sunt exemptions, cum sint recessus a jure communi, &c., ut loquitur Trid. sess. 24. c. 11. de Reform. inde perturbationes, & dissolutiones extinentur. 3. quia dispositio, in qua concurredit simul favor, & odium, simpliciter odiosa centetur; at hoc habet exemptio Regularium. Continet enim *odium*, ut ex præmissis constat; favorem, cum respiciat favorem Religionis, ut communiter docent contrarij; ergo.

Verum contrarium (nempe privilegium, exemptionis esse simpliciter *favorabile*, consequenter non stricte, sed latè accipendum) multò probabilius est; ita Suarez l. 8. de Legib. c. 27. a n. 7. Sanchez l. 6. Consil. moral. c. 9. d. 1. n. 40. Henriquez cit. l. 7. de Indulg. c. 25. n. 6. Quia dispositio, quæ directè intendit favore, simpliciter favorabilis est, licet indirectè alijs gravetur, quando sie disponens novit gravamen inde subsequens alteri, ut probavimus supra a n. 551. sed exemptio Regularium directè intendit favore Regu-

Regularibus, & quidem ob favorem totius Religionis, propter magna ejus merita, vel præstata, vel præstanta Ecclesiæ DEI, ut constat ex ipsis decretis eorum exemptionis: ergo. Nec rationes in contrarium intentionem suam probant. Omnino enim negatur, exemptionem Regularium *odiosam esse*. Nam ista dispositio-
nis qualitas unicè desumenda est à fine directè intento, qui unicè est, favere, propter magna talis Religionis merita in Ecclesiæ DEI, summis Pontificibus per hoc specialiter intendentibus ejusmodi Reli-
giones conservare, ac remunerationibus istis, ad DEI gloriam in Clero, & populo propagandam, non solum promovere; sed etiam ab insectationibus protegere, ipsis soli Sedi suæ quoad subjectionem re-
servatis.

^{2471.} Ad 1. prob. &c. intentionem Episcoporum pro subjectione omnium in sua diocesi, etiam Regularium, *esse omnino fundatam in jure communi, at non absolute, sed solum sub conditione*, in ipso etiam jure communi expressa, nisi probent se exemptos, ut clarè constat ex dict. superius; vel privilegium exemptionis notorium sit, ut notavimus n. 2468. malè autem Author Epitomes, de qua supra, allegat c. *cum Episcopus, de Offic. Ordinar.* ex eo intendens probare, jure communi *absolute* Regulares omnes, intra Episcopi diocesis physice existentes, subjectos esse locorum Ordinariis: nam hoc capitulum, prout ab ipso citatur, nullo loco illius tituli reperitur, extra sextum.

^{2472.} Ad 2. rationem in contrarium in num.
2469. &c. data majore. N. min. 1. quia omnino negatur exemptionem Regularium *esse recessum à jure communi*, hoc vulnerantem, seu lalentem, ut constat ex n. 2471. Minus rectè dicitur, eam esse contrariam, seu damnosam juri communi; cum omnino certum sit, longè rectius, & utilius esse bono communi, in Ecclesia DEI esse quarundam Religionum exemptionem à locorum Ordinariis, quam subjectionem, ut liquet ex innumeris fructibus animarum, qui non raro, si Pontifici immediate subjecti non forent, nunquam evenissent. Quod ibid. dicitur: per has exemptiones excitari perturbatio-
nes, & dissolutiones, ex Tridentino *seff. 24. de Reform. c. 11.* prorsus malè applica-

tur exemptioni Regularium Mendicanum. Textus enim clarè loquitur de exemptionibus eorum, qui honorarijs titulis (Protonotariatus, Acolytatus, Comitis Pallatini, Capellani Regij aut aliis hujusmodi) in Romana Curia, aut extra, decorantur, quibus eo titulo exemptio indulgetur, de quo plura Barb. *in cit. c. 11.*

Ad 3. in n. 2469. &c. N. ma. ex ditt. ²⁴⁷³ Nam, ut sèpe dictum est, ratio dispositio-
nis favorabilis, vel odiosa non rectè sumi-
tur, nisi à fine directè intento à disponen-
te; qui, si sit, ei, cui aliquid concedit,
directè favere, vel beneficium, aut gratia-
tum præstare, dispositionem reddit *simpliciter favorabilem*, esto per accidens, &
indirectè gravet alium; cùm hoc habeat
omnis favor directè factus uni, quin pro-
pterea simpliciter contineat odium, quod
alios indirectè gravet, seu obligationem
imponat, ne illum in usu suæ concessionis
impediant, cujus intuitu, aut titulo, dispo-
sitio rectè dici possit simpliciter odiosa.

Præter hæc not. exemptiones Regularium non necessariò intelligi debere ad terminos Concilij Tridentini, nisi huic spe-
cificè, ac formaliter, & in individuo de-
rogetur. Nam 1. hoc non habet locum, ubi Tridentinum per clausulam solum gene-
rale (non obstantibus privilegijs) deroga-
t privilegio exemptionis concessio
in remunerationem, vel titulo onerosa, aut
cum clausula, ut derogari non posset, nisi
de verbo ad verbum illorum fiat expressa
mentio: ut docet Castropalaus p. 1. tr. 3.
D. 4. p. 21. & 4. a. n. 3. & apud illum San-
chez, Suarez, Salas, Azor & alij; quia
tunc indigent derogatione speciali, saltem
tacita, qualis foret sub hac clausula; non
obstantibus privilegijs sub quacunque for-
ma concessis; alias hæc verba (sub quacun-
que forma) forent superflua; cùm tamen
verba aliquid operari debeat, ut dicitur
c. se Papa, de privileg. in 6. Ratio autem
est, quia ut rectè nota Castropalaus *cit.*
n. 6. & apud eum Garcia p. 4. de benefic. c.
5. à n. 30. non est, unde dicatur, *Triden-*
tino non derogari per privilegia post illud
concessa, nisi fiat ejus vel generalis, vel spe-
cialis mentio, cùm in decreto ultimo ejus
de Concilij (ut notavimus suprà) *seff. 25.*
declaretur; *omnia in dicto sacro Concilio*
statuta de morū reformatione & Ecclesiastica
disciplina, ita decreta fuisse, ut in his salva
semper

semper authoritas Sedis Apostolicae & sit,
& esse intelligatur.

^{2475.} Ex hoc enim sequitur, quod, cum Pontifex aliquid decernit in favorem alicujus Religionis, per ejusdem exemptionē non contradicat Concilio, aut eis decretis; cum omnia, quae in illis statuta sunt, habeant conditionem, nisi Pontifex aliud velit, ut liquet ex illis verbis: *salva semper authoritas Sedis Apostolicae.* Quod confirmari potest ex motu proprio Pij V. (apud Garciam cit.) edito 1570. quo declaravit, neque speciali, neque generali derogatione Concilij Tridentini opus esse in quibusvis concessionibus Apostolicis, propria manu Papæ signatis: jura autem, & privilegia Societati Iesu concessa esse in remunerationem meritorum, manifestum fit legenti constitutiones Apostolicas, quibus ejus institutum, & privilegia, vel conceduntur, vel confirmantur; quod cum primis liquet ex Gregorij XIII. constitutione: *quanto fructuosius, &c. Ascende-*

nte Domino; cui merito adjungi potest, quod dixit ipsum sacrum generale Concilium Tridentinum, cuius verba retulimus n. 2465.

^{2476.} Ex hoc sequitur 2. privilegio exemptionis, Regularibus concessō, post Tridentinum, absque speciali derogatione Tridentini, non obstante clausulam, quam interdum apponunt Summi Pontifices, in concessionibus, vel confirmationibus privilegiorum post Tridentinum, qua revocant, vel limitant concessiones contra disposita in Trid. nimis dummodo decreatis Concilij Tridentini non aduersentur. Nam ut num. 2475. dictum est, indulta Summorum Pontificum post Tridentinum, non obviant, seu non contradicunt illius Concilij decretis, ex hoc, quod careant speciali mentione, ac derogatione illius Concilij. Quod, si dicas per hanc sequelam inutilia, & superflua reddi ea verba: dummodo decretis Tridentini non aduersentur; R. N. id sequi 1. quia suum effectum habent in his, quibus specificè derogavit Tridentinum; 2. quia sufficit, quod derogarent, si quae Tridentino contraria reperirent; cum saepē contingat, quædam ante Tridentinum concessa, ejusdem decretis subsecutis aduersari, nec exprimi in supplicationibus pro confirmatione.

Tom. I.

2. XI.

An Exemptio concepta sub verbis: ab omni jurisdictione totaliter eximimus, intelligatur etiam de jurisdictione, quam Ordinarij habent jure speciali?

^{2477.} R Esp. affirmativè. Nam stante salva jurisdictione Ordinariorum, etiam de jure speciali competente ipsis, non maneret verum, per illam exemptionem Ordinarijs, relatè ad taliter exemptos, sublatam esse jurisdictionem omnino, & totaliter; qualiter non maneret verum, si penes eos remaneret jurisdictione voluntaria. Sic enim eo ipso remaneret aliqua, & aliquo modo competentia, quo falsum evaderet sublatam omnem, & aliquo modo competentem.

Hinc etiam not. exemptionem generaliter concessam non limitari per subsequentem expressionem aliquorum actuum, aut casuum; tum quia saepē contingit, ejusmodi actus exprimi solum exempli causa, vel ad efficacius significandam voluntatem eximentis, præsertim in quibusdam materijs, quibus Ordinarij cæteroquin magis se opponunt, aut exemptoriū quies exigit: tum quia in materia tam favoribili, qualis est exemptio Regularium ex num. 2470. lata interpretatio tenenda est.

Not. 2. sub exemptione à superioritate, & jurisdictione quorumcunque Ordinariorum, etiam venire Ordinarios, per ordinem ad jurisdictionem, quam habent ut delegati Papæ, nisi haec firmetur per clausulam ejusmodi exemptioni non mere generaliter, sed specificè derogantem, saltem tacite juxta dicta n. 2474. Nam talis Ordinarius, habens jurisdictionem delegati Pontificij, est aliquis Ordinarius; ergo venit sub his terminis quorumcunque Ordinariorum; ergo etiam ad eum extendit se dispositio illa exemptionis, ut pote singulariter favorabilis ex n. 2470.

Nec obstant, quæ Author Epitomes, de qua n. 2469. affert in contrarium p. 1. q. 9. Nam licet verum sit, quod in generali concessione non veniant ea, que quis non esset verisimiliter in specie concessurus, ut dicitur in c. in generali, 8. i. de Regul. jur. in 6. non tamen probat, quod Pontifex,

Bb bb 2

tota-